

وجع

شعر

الأحمدى شحاتة

الكتاب: وجع

المؤلف : الأحمدى شحاتة

تصميم الغلاف: أحمد عبد السميع

رقم الإيداع: ٢٠٢١/٨٩٧٣

التقييم الدولي: ٧-٤٧-٦٧٨٠-٩٧٧-٩٨٧

الآراء الواردة في هذا الكتاب  
لا تعبر بالضرورة عن  
دار الفراعنة للنشر والتوزيع والترجمة

لا يُسمح بإعادة طبع أو نشر هذا الكتاب أو  
جزء منه بأي شكل من الأشكال أو حفظه أو  
نسخه في أي نظام إلكتروني أو ترجمته إلى  
أية لغة دون الحصول على إذن خطي مسبق  
من الناشر وإلا تعرض فاعله للمساءلة  
القانونية.

الناشر



رئيس مجلس الإدارة  
إكرام عيد

المدير التنفيذي  
أحمد عبد السميع

لإدارة:

واتس:

٠١٠٠٩٤١٤٤٩٧ (+2)

alfra3ina@gmail.com

جميع الحقوق محفوظة لـ دار الفراعنة للنشر والتوزيع والترجمة  
يمكنكم متابعة أخبارنا وإصداراتنا من خلال شركائنا الاستراتيجيين

[www.alitqan.net](http://www.alitqan.net)

[www.zaat.vip](http://www.zaat.vip)

[www.muji3tam3.com](http://www.muji3tam3.com)

موقع الإيتقان

بوابة ذات

بوابة نبض المجتمع

## مقدمة

أي كلمات قرأت ؟

كلمات الشاعر المصري " الأحمدي شحاتة " التي أخذتني على جناحيها بعيدا " بعيدا " حيث الشوق والأمل الواعد...

كأنه قطف روح كلماته من خبايا الذاكرة لتلامس أرواحنا كي لا تتلاشى مع مرور الأيام..

هو شاعر يمتلك لغة الإحساس بالكلمات ، وحدها الكلمات التي يكتبها قادرة على أن تفرغ ما بداخله من أوجاع...

يتمرد حزنا " ولن يعتاد الوجع لأن القصائد ستظل عارية من فتنتها إلى أن ترتدي دفء كلماته وتدثرها حروفه فهناك مشاعر لا يُخرجها من مكنوناتها إلا لمسات قلب عاشق...

الشاعر المصري " الأحمدي شحاتة " في ديوانه أودع حسه الصعيدي ليروي لنا مع كل نسيم

فخره بتقاليده ويتعطر بعبق الأصالة والشهامة فتتمدد  
في أفياء الروح...

الأديبة اللبنانية / زينب دياب



إهداء

إلى كل الأهل والأصدقاء

لا تَظْلِمُ قَلْبٌ.....

قَالَ لَكَ يَوْمًا أَنِّي أَحَبُّكَ لَا تَجْرَحْ قَلْبٌ

كَأَنَّ يَوْمًا يُخَفِّفَ عَلَيْكَ أَلْمُكُ

لَا تُخْرِجْ قَلْبٌ

كَأَنَّ يَسْعَى دَوْمًا لَارِضَاءِ قَلْبُكَ

لَا تُحْزَنُ قَلْبٌ

كَأَنَّ يُرِيدُ السَّعَادَةَ دَوْمًا إِلَيَّ قَلْبُكَ

لَا تَقْسُو عَلَيَّ قَلْبٌ

كَأَنَّ يَلِينُ فِي الْحَدِيثِ مَعَ قَلْبُكَ

لَا تَهْجُرْ قَلْبٌ

كَأَنَّ يَجِدُ السَّعَادَةَ فِي لِقَاءِ قَلْبُكَ

أَهَذَا الْقَلْبُ

يَسْتَحِقُّ كُلُّ مَا يَفْعَلُهُ قَلْبُكَ أَيُّهَا الْقَلْبُ لَا تَفْعَلْ



الشاعر / الأحمدى شحاتة

## مشكلتي

عارفين هي أیه مشکلتی

مشكلتي أنى اتربيت

مشكلتي أنى اتعلمت

مشكلتي أنى أتأدبت

مشكلتي أنى احسنت

مشكلتي أنى صدقت

مشكلتي أنى وثقت

مشكلتي أنى اتألمت

مشكلتي أنى اتحملت

مشكلتي أنى اخفيت

مشكلتي أنى عانيت

مشكلتي أني صبرت  
مشكلتي أني صمدت  
مشكلتي أني بصرت  
مشكلتي أني حسيت  
مشكلتي أني حبيت  
مشكلتي أني اخلصت  
مشكلتي أني أسعدت  
مشكلتي أني رضيت  
دلوقتي عرفت مشكلتي  
مشكلتي أني اتعلقت بمشكلتي  
مشكلتي أني إنسان  
ولكن بدون عنوان

\*\*\*



مفیش إحساس

تتحمل كثير

ومفیش إحساس

تتالم كثير

ومفیش إحساس

تصمد كثير

ومفیش إحساس

وتنتهي ..؟

وبعد ماتنتهي بردوا

مفیش إحساس

عشان كدة

أسكت ع الفراق

أسكت ع الأحزان

أسكت ع الافعال

أسكت ع الاحوال  
 أسكت ع الكذب والخداع  
 أسكت ع اتبقي ف عمرنا من احلام  
 أسكت وخلي سكوتك يزيد ويزيد  
 صبر مع الآلام والأوجاع  
 وكفايه عمرك اللي انت عشته وضاع  
 مع ناس بدون إحساس  
 وكلها ظلم وظن بالناس

\*\*\*

أوعاك يا قلب

أوعي تعمل كدة

عشان تتول الرضا

من رب عادل

وهو رب القلوب المسعدة

أوعي تظلم قلب

قالك يوم بحبك

أوعي تجرح قلب

كان يوم يخفف عليك المك

أوعي تخرج قلب

كان بيتمنى دايمًا يرضى قلبك

أوعي تحزن قلب  
كان علوز السعادة لقلبك  
أوعي تقسي علي قلب  
كان دايمًا يلين ف الكلام مع قلبك  
أوعي تهجر قلب  
كان بيشوف السعادة مع قلبك  
معقول القلب دة  
يستحق منك اللي بيعمله قلبك  
أوعاك يا قلب تعمل كدة  
لقلب حبك

\*\*\*\*\*

حبيبتي

حبيبتي ملاك  
 في صورة بشر  
 دخلت قلبي  
 في لمح البصر  
 شوقتها بصورة بوجة القمر  
 صدفة جمعتنا  
 وكأنى قاعد منتظر  
 سكنت جوة روى  
 لغاية اخر العمر  
 حبيبتي لو مش في حياتي  
 مكنتش تبقي حياتى

وجودها أعمق  
 من عمق البحر  
 وجودها فاق  
 كل اللي يتوصل بالأ  
 حبيبتي لو مش في حياتي  
 كنت رسمتها  
 علي ورق الشجر  
 وحفرت شكلها من رزاز المطر  
 ورسمت عينها  
 من ضوء الفجر  
 وحطيت علي جبينها تاج القمر

خلّيت شعرها سلاسل ذهب  
 عشان يسعد بها كل نساء البشر  
 ورسمت خدها  
 من نسمة صيف  
 تاخذها في ليل السهر  
 ورسمت شفائها  
 فيها شهد ورحيق العسل  
 وآلف حوالين رقبتك  
 عقد الماس  
 اذا تحركتي  
 محدش يجراً بالنظر  
 وآلف علي خصرك  
 نجوم الليل اللي تضوى  
 يعكس بضوئها علي سطح النهر

وارسم ايديها الناعمة  
كأنها فراشة تتمايل  
علي أغصان وألوان الزهر  
ولو يوم وعدت  
علي أرضها برجلها  
تخليها حرير وعنبر  
وأخلي جسمها  
مفروود القوام  
ويطير من مكان لمكان  
ويتغندر  
ما أنتي حبيبتى  
ومكنتيش  
ياحبيبتى في حياتي  
مش هتكون حياتي



أعشق الليل

بتقولي عني أعشق الليل

وقلتي كمان

كائن من الليل

ويمكن أكون محتال

ويمكن أكون

لص في ظلام الليل

يسعد هواه

ويكون لقلبه بديل

عاشق الليل

حبيبتى

بيختلف دايمًا في أفكاره

عكسه دايمًا

هو اللى بي فكر في نهاره

الليل

بياخد روح اللى عشقه

وقلبه واللى في خياله

بيخرج بعدها

من سكينه وعشق

وحب وفكر

ولا عمر حد

هيعيش بأفكاره

وانشغاله

و عاشق نهاره  
 بیاخده عقله دایما  
 في انتظاره  
 میکنش عنده وقت  
 لقلبه و روحه  
 ویکون دایما  
 شاغل باله  
 عاشق اللیل قوامه  
 بیناجي ربه  
 دایما یصلح له أحواله  
 دعوته دایما مستجابہ  
 یاخذ من ربه مداها  
 عاشق اللیل

بالهامه  
يعيش بحبه وأماله  
وكل عاشق يختلف  
باختلاف مطلبه وآلامه  
عاشق الليل  
يعشقه لهدوئه  
وصمته وسكونه  
وضيائه اللي بيضوي  
بضوء القمر ونجومه  
وعرفنى بعشقي للسهر  
بحكيالك عن محبوبتي  
بكل ليله من ليالي العمر  
ويتغازل معايا بحكايتي

نجوم الليل والقمر  
 ويسعدوا بعشقي وشوقي  
 عشانك يا حبيبتي  
 ويطول السهر  
 وياخذني الكلام عنك  
 يا معشوقتي لغايه مطلع الفجر  
 ويروحوا ويبعدوا  
 وياخذوا الكلام  
 واستني ليل ثاني  
 وأنا منتظر  
 عشان يكمل كلامنا  
 عنك  
 يا بدر القمر

## انتي الكتاب

لو كنتى فاكرة  
 أنى قرأتى سر كتابتى  
 لا يا حبيبتي  
 أتمنى انك تعرفى  
 إنك أنتى الكتاب  
 ايوه طبعا  
 أنتى الكتاب  
 أنتى الكتاب  
 عشان لما أشوفك  
 بحس انى شفت  
 تفاصيل حروفى  
 والكلمات

بحس اني وشك  
 بياخدني  
 للطبيعه والنسمات  
 وشعرك سلاسل من ذهب  
 وشلالات  
 وجبينك  
 عليه ضوء مليون  
 بالامنيات  
 ولمعة عيونك  
 تضوى بالحب  
 والنغمات  
 وشفايفك لما تتكلمى  
 تسرح فيهم عنيا  
 وتخلى قلبي مليون

نبضات  
وايدك بيها سحر  
الجمال  
بباعد عن حياتي كل  
العقبات  
وأطراف صوابك  
تدوب مشاعري  
من اللمسات  
معقول يا قلبي  
يكون  
في كتاب  
أفضل منك اطلع منه الكلمات  
أكيد حقيقي  
أنتي الكتاب



## أخويا

باعيّد عليك يا اخويا  
 يا اغلي هدية من امي وابويا  
 باعيّد عليك يا اختي واخويا  
 باعيّد عليكم بعيدكم يا كل اخواتي  
 وكل واحد فيكم اسمه  
 من صفات النبي  
 المجد والمدح والمهارة  
 والمصطفى والمحسن  
 المحمود ومحمد  
 واليسر والاحمدي

باعِدْ عليك يا اخويا  
 من غير حدود  
 ياللي الخير والشهامة  
 والجدعنه عندك  
 ملهائش حدود  
 باعِدْ عليكم  
 من كل الوجود  
 ودايما المحبة  
 في القلب  
 و الوصل ممدود  
 وليكم يا اغلي الناس  
 كل الورد

يا للي قلبك مليون  
 بالرحمة  
 والمودة والكرم  
 والجود  
 باعِدْ عليكم لاني  
 احساسى بىكم دائما  
 شاغلنى  
 باعِدْ عليكم يا حته  
 منى  
 مع ان عمركم  
 ما غبتو عنى  
 باعِدْ عليكم  
 بروحي

ياللي معاكم تشفي

جروحي

باعيدّ عليكم بشوقي

وحنيني

ياللي معاكم تحلي

سنيني

باعيدّ عليك يا غالي

ياللي عشانك اسهر

ليالي

باعيدّ عليكم

بقلبي

والعيد وعمرى كله

ما يحلي غير وانت جنبى

باعِدْ عليك يا اختي  
 يا اغلي هدية من امي  
 وابويا  
 باعِدْ عليكم  
 وبدعي ربنا  
 من كل قلبي انكم  
 تلاقوا الخير  
 فكل خطوة  
 من خطواتكم  
 باعِدْ يا اخويا  
 يا اغلي هدية  
 من امي وابويا

## وصيتي

وصيتي وصية غالية

هوزع فيها تركتي

واللي جمعته من سنين عمري

اللي راحت

وأيامي القليلة

اللي جاية

وعشان انتو غالين عليا

ولا عمر ف يوم غيبتو

عن عنيا

هكتبها لكو

هكتبها لولادي ولاهلي

وأحبابي

واخواتي واصحابي  
 و لكل الناس اللي عاشرتهم  
 وكانو عايشين حواليا  
 هكتبها لكل حد شاركني  
 فرحتي  
 ومد ايده لايديا  
 هكتبها لكل حد  
 واساني ف أحزاني  
 ومسح بايده دمعتي  
 وهي نازلة من عنيا  
 هكتب كمان للي جرح  
 واللي ظلم  
 واللي خان واللي غدر

واللي سرق  
واللي نهب  
واللي فارق  
واللي هرب  
واللي قتل واللي اتقتل  
واللي كذب  
واللي خدع  
واللي باع حتي نفسه  
واللي باع كمان اهله  
وعياله  
وصيتي هي كنزي  
وثروتي لسنين طوال  
جمعتها



بسعادتي وفرحتي  
 وجرحي وبكايا  
 جمعت فيها قصوري  
 وعزبتي وعربياتي  
 و ويخوتي وابراجي  
 وفلوس كتيبيبيبيير جمعتها  
 مالهاش نهاية  
 وفي النهاية  
 بهديهالكو من كل قلبي  
 ومحبتي ورضايا  
 بهديهالكو ويمكن اكون  
 سبتلكو ذكرى حلوة  
 تنتفعو بيها طول حياتكو  
 وتكون ليكو البداية

وقتها يمكن اكون مشيت

ورحلت عنكو

واكيد مش هكون واخذ حاجة

ولا اي شىء معايا

وصيتي ...

قبل اي شي

تفكروني بدعوة حلوة

من قلوبكم الصافيا بالهداية

او ادعولي بالرحمة

والمغفرة

لو جتلكم بعد النهاية

## وصيتي

أن مش كل شي غالي وثمانين

تقدر بالفلوس

تشتريها

الحب والاخلاص

والعشرة المخلصة

مش بالفلوس

اصلك وقلبك الطيب

مش بالفلوس

الجدعنة والرجولة والشهامة

مش بالفلوس

راحة البال مش بالفلوس

انك تنام من غير تفكير يشغلك

مش بالفلوس

انك بتضحك ضحكة من قلبك

مش بالفلوس

انك بتتمني تاكل وتشرب

مش قادر مش بالفلوس

انك تعيش مع اللي بتحبهم

وهما رافضينك

مش بالفلوس

انك تفكر تشتري

كل حاجة بالفلوس ؟

يبقي انت مش فاهم

معني الفلوس

كل حاجة بتنتهي

مع كل وقت انت اشتريته

## بالفلوس

وان عشت ليوم مماتك  
 تصرف في الفلوس  
 علي اي حاجة  
 حتي النفوس  
 انت انتهيت  
 وانتهت كل الفلوس  
 حتي حب الناس ليك عمره  
 ما كان بالفلوس  
 القصور هي اصلي  
 وعزوتي  
 والعربيات واليخوت  
 هي سعبي

لفعل الخير ومحبتى

والأراضى وعزبتى

هى قلبى

اللى مليون بحب ربى

وراضى بنصيبي

وقسمتى

والفلوس الكثير

هى عملى

وسيرتى الطيبه

واقابل بها

رب غفور رحيم

واتمنى من ربنا

يقبل زلي وضعفي

وكسرتي

يارب اقبل توبتنا وتوبتي

## حبيبي يا نبي

يا حبيبي يا نبي

ياللي قربك

مطلبي

العالم كله يعرف

ان اسمك

علي عرش الولي

او عوا تكونوا فاكرين

أنهم قاصدين النبي

دول بيد رسولنا في الاصول

سيرة الحبيب النبي

والاجانب بيقولونا

في الدروس



دكتورنا في العلم

هو محمد النبي

علمونا الابتسامة

في المقابلة

مع العميل

دي تكون البداية

في مطلبي

وهي صدقة

و الصفة الاولى

من صفات النبي

بنوزعها علي نفوسنا

وهما فاكرينها آخذ بيها مطلبي

يا حبيبي يا نبي

ياللي قربك مطلبي

وافديك بابويا  
 وامي وروحي  
 وشفاعتك مقصدي  
 صل عليك الله  
 ياللي سيرتك  
 تفتح دروب  
 شروق  
 وغروب  
 يا احلي سيرة  
 يا عزوتي  
 يا حبيبي يا نبي  
 ياللي قربك مطلبي

علمتنا معني

الأمانة

علمتنا حسن

الخلق

السماحة

علمتنا الصدق

الكلام الصراحة

علمتنا الوفا والبر

والكرم والحلم

علمتنا الصبر

والود والتواضع

والزهد

علمتنا العدل  
 والمساواة  
 علمتنا رقة القلب  
 والتهادي  
 والرحمة  
 علمتنا صلة الرحم  
 مع أحبائنا  
 وأهلنا  
 علمتنا حاجات كثير  
 في حياتنا  
 أهمها أنك رسول الأمة  
 يا حبيبي يا نبي  
 يارب اقبل توبتنا وتوبتي

## العشرة ما تهونش

أهجر وفارق وأقسي  
 وزيد في هجرك والقسي  
 والعناد في بعادك  
 من غير كلام  
 مع ان قلبي مليون  
 بحبك  
 من غير قساوة  
 ولا عمره لام  
 ياما الحياة  
 انا عشت فيها

وشفّت منها جرح  
 وآلام  
 والزمن علمني اشفي  
 جراحي  
 بإيدي من غير رجا  
 ولا بكي  
 ولا حتّى ملام  
 والعمر بيضيع من التفكير  
 في اللي هانت  
 عليّة عشرة  
 حلوة طيبة  
 خلاها هجر

وخصام

والعمر لو ضاع  
 في الرجا واللوم  
 بيكون ضياع العمر  
 علي الهالين  
 حرام  
 وان جت عليك  
 نفسك  
 تمشي بطريق أوله  
 حلو الكلام  
 إياك تروح  
 لأن الخصام والفرقة  
 أصبحوا رمز وعلام

اظن انتهى  
 كل اللي كان  
 والنهاية بقت سهلة  
 بعد كام مرة سماح  
 بعد إعتذار  
 والنور اللي كان بينا  
 انطفي  
 والعمر اللي عشناه  
 سوا  
 أصبح ظلام  
 العزيز الغالي  
 بيموت



والحزن  
 في القلب  
 حتي نهاية الاعمار  
 والدمع متحجر  
 في العيون  
 من كثر الحزن  
 ع اللي باع العشره  
 والمحبة والغرام  
 وانا اصلي  
 عزيز النفس  
 صمتي وحزني  
 في القلب  
 ده طبعي قليل  
 الكلام

وعشرتك عندي  
عشرة عزيزة وغالية  
بالمحبة والسلام  
وذكري  
حلوة  
جميلة  
لها في قلبي قدر  
ومقام  
وأنا....  
بأقي  
علي العشرة  
دي العشرة ماتهونش إلا  
.....

عارفة انتي ايه

انتني ضوء الصبح

مرسوم علي جبينك

انتني نوري

اللي بينور

طريقي لحنينك

انتني ضلي

في وقت شمسي

انتني نسمة صيف

اللي بسعد بيها قلبي

عارفة انتي ايه

انتي قمري  
 انتي نجمي  
 انتي ليلي  
 في وقت سهري  
 وانتى أونسي  
 لحد فجري  
 انتي اللي يكمل  
 بيها عمري  
 عارفة انتي ايه  
 انتي حاجة  
 غير عادية  
 صحت الحب  
 اللي فيا

انتي أغلي  
 حاجة عندي  
 ربنا أهداها  
 ليا  
 انتي توأم  
 الرُّوحُ اللي ليا  
 انتي دمي اللي  
 بيجري فيا  
 عارفة انتي ايه  
 انتي املي  
 في وقت ألمي  
 انتي بشفي  
 بيكي جرحي

انتي فرحي

في وقت

حزني

انتي رُوحِي

انتي عمري

انتي اللي

يتمناها قلبي

واللي رُوحِي

حس بيه

عرفتي

انتي ايه

## جيت علي بالك

أَوْ حَتَّى جيت في خيالك؟

طب ليه لغيت

عني سؤالك؟

وكمان نسيت حَتَّى

سلامك؟

شكلك نسيت

كل كلامك

كان فين وعودك؟

كان فين عهدك؟

كان فين سؤالك

واهتمامك

جيت علي بالك؟

شكلك نسيت

كلامك

علقتنى

وشغلت بالي بياك

معقول أكون هُنتُ

عليك

حسّيت بروحي

لما تناديك؟

حسيت بقلبي

ونبض قلبي

لما يحس بياك؟



حسّيت بفكري

كله ليك؟

حسّيت بانشغالي

دايماً عليك؟

جيت علي بالك

شكلك نسيت

كل كلامك

معقول مجتتش يوم

في احلامك؟

معقول مكننتش

ذكري حلوة

في أيامك؟

معقول تقول

لحد غيري

علي آمالك؟

معقول

دانا كنت دائماً

بخفف عليك

كل آلامك؟

جيت علي بالك

شكلك نسيت

\*\*\*\*

كل يوم بسهر

بسهر ليالي

وانت معايا

معايا ف خيالي

ولا عمر الليل

بيرحل

وصورتك

دايما ف بالي.

ليه غبت عني يا غالي

جوابني عن سؤالي

كل يوم بسهر

بسهر ليالي

وانت معايا

معايا ف خيالي  
 بحكي لنجمي  
 وقمري  
 عن حالي  
 واللي جرالي  
 امتي هتيجي لقلبي  
 يرجلة نبضة العالي  
 دا انا كل يوم بسهر  
 بسهر ليالي وانت معايا  
 معايا ف خيالي  
 العمر عدي وراح  
 وانا في انتظاري

قلبي اتملي  
 بالجراح  
 من بُعدك يا غالي  
 دا انا كل يوم بسهر  
 بسهر ليالي  
 وانت معايا  
 معايا في خيالي

\*\*\*\*\*

## فينك

فينك يا نبض قلبي من جوة

فينك يا احلي صورة

بتشوفها عنيا

فينك ياللي ماليا

الدنيا عليا

فينك يا املي

وطني عنيا

فينك..

دا انتي

مفيش غيرك غالي

عليا

فينك يا نسمة صافية

وضحكتها  
 تردد روعي بحنية  
 فينك يا احلي ياسمينه  
 ريحتها صافيه  
 ولمسه منك  
 يفضل عطرك  
 حاضن ايديا  
 فينك يا أحن وأطيب قلب  
 في الدنيا دلي  
 من يوم غيابك يا حته مني  
 والنور إنطفي من عنيا  
 عايش حياتي وحيد  
 في الدنيا ديه

ما بقاش غير نجمي  
وقمري  
وسهري يسأل عليا  
نفسي ف يوم تجيني ثاني  
وتردي روعي اللي راحت  
ونور عنيا  
اللي غابو عن حياتي  
من يوم غيابك  
عن عنيا  
فينك  
يا نور عنيا  
أبويا  
أنا جيت أزورك  
وحشني.. حضنك



وحشتني

يا سندي . وضهري

وقوتي

قلبي اندبح

وانا كنت لسة ببدا

فرحتي

ما بقتش الاقي حد بعدك

يمسح بأيده دمعتي

كان نفسي تكون معايا

إيدك ف إيدي

وعزوتي

فاكر يا أبويا  
 فاكر زمان  
 لما كنت تاخدي من ايديا  
 وتلف بيا  
 ونروح اماكن ونزور قرايب  
 ونشوف حبايب  
 ونروح كمان لأعز الناس  
 عند جدي وجدتي  
 والمصاييف  
 والشوارع  
 فاكر كمان  
 كنا نزور الاوليا  
 سيدنا الحسين والسيدة

لسه فاكر  
 أول يوم في المدرسة  
 حاجة حلوة كويسة  
 مع انهم حبة سنين  
 عشناها سوا  
 مع بعضنا  
 يجي حوالي  
 خمستاشر سنة  
 شفت فيهم كل الهنا  
 والسعادة  
 والرضا  
 كان بيكبر عمري  
 وأنت في حياتي ودنيتي

كان كل يوم عن يوم تزيد

غلاوتي

ليك ومحبتني

كنت بمشي في الشوارع

رافع الراس

من محبة الناس

وبكون في قمة سعادتي

وفرحتني

مكنتش بخاف من أي حاجة

ولا أي حد

وكانت تكمل بحب الناس

خطوتي

كنت الامان

كنت السند

مابقاش فاضلي

غير وحدتي

راحت معاك فرحة عنيا

وراح معاها أمنيّتي

وفاكر كمان .... فاكركمان

يوم فراقك عني

كانت اول ليله من شهر الرحمة

والمغفرة

وانت بتلمنا حواليك أنا وست الحبايب

وأخواتي

وتلف المكان بعينيك وتبص

لكل واحد فينا اتاريها

كانت نظرة وداع

وانا كنت براقبك بنظراتي

وفجأة قربت مني ومسكت ايدي

وحضنت قلبي

وبصوت حزين تهمس في ودني

أنا سبت راجل

خليك فاكرني

وفي لحظة خطفت قلبي

وغبت عني

أبويا ..... يا ابا

كفاية يا ابا سمعني صوتك

انت سامعني خلاص ....

يا حبيبي فاكرك

خليك معايا بلاش تسييني

أبوبا..... يا با

الفرحة راحت والصرخة

زادت واللمة غابت

والحزن ساكن

في حضن قلبي

من يوم فراقك

يا حته مني

يا حبيبي فاكرك

ولا عمري هنسي

طيببتك وحبك

وخوفك عليا من قلبك

علي عيني يابا أفديك

بعمري

وكننت يابا سندي. وضهري وقوتي

دبحت قلبي وغبت عني

وأنا كنت لسة بيدأ فرحتي

## بنت الاصول

بنت الاصول

من اصلها

شايلا جبال

علي ضهرها

عائشه حياتها

بالرضا

طول عمرها

لا عمرها يوم اشتكت

ولا شيبات حد همها

بالقليل عائشة

والكثير حامدة

وتعرف تدبر امرها



ومن كثر طيبة قلبها

كل الناس تحبها

ودايما بتراعي بيتها

وولادها بقلبها

وصبرها

ولزوجها صابنة

و حارس امين

علي كل حاجة

منه تحسها

وف شدة دافع وميت راجل

بضهرة يقوية بقلبها

وبفرحته تفرح معاه

وتزيد كمان الفرحة بحبها

ولا يوم قالت مفيش  
 ولا يوم قالت ما اعيش  
 وان سالتها بكلمة واحدة  
 من بوقها  
 الحمد لله رب العالمين  
 وحافضة سره قدام اهله  
 واهلها  
 ومع صاحباتها  
 وجيرانها واهلها  
 كل اسرارهم  
 عندها  
 ومالكه قلوبهم من عملها  
 وحبها  
 هي دي الاصيله

دور علي الأصيلة  
بنت الاصول  
وعيش معاها بأصلها

\*\*\*\*

## مال الناس

مال الناس ومالنا

وليه شاغلهم

حالنا

علي ايه الناس

بأصلنا

ما كفاية اللي

جرالنا

يشوفونا يقولو

حبايينا

ومنانا تكونوا

نصيبنا

وان غبنا وقلنا تعبنا

الطعنة بتيجي  
 في قلوبنا  
 علي ايه القسوة  
 قلولنا  
 ده تعبنا زاد  
 وهمونا  
 مش طالب عيشة هنيه  
 ولا نفسي اركب  
 عربية  
 ولا قصر  
 وخدم ليا  
 ولا ابعزق  
 في فلوس باديا

علي بنت جميلة

وعصرية

ولا اعيشلي يومين

في مارينا

ولا ألف العالم

بسفينة

تفكيرنا

في عيشة يومنا

أول ما نقوم

من نومنا

ونقول للمولي

ارزقنا

من يومنا بتطلع

عينا

علي ستر  
وعيشة هنية  
الصبح فطار  
طعمية  
والليل لقمة  
ملوخية  
واهي عيشة في دنيا  
قاسية  
عاشننها بأمر المولي  
قدرك مكتوب  
وقدرنا  
ونهاية في يوم  
اعمارنا

معروضة علي اللي خلقنا

عملنا بيكون

لمصيرنا

يا إما النار

بتاكلنا

أو ندخل باب

الجنة

ومال الناس

ومالنا

ارجوكوا سيبونا

في حالنا

\*\*



## لسه فيك نفس

هو انت لسة فيك نفسك  
يا راجل اعقل شوية وحس  
يمين وشمال  
عمال ع الحريم بتبص  
إشي بيضة وإشي سمرا  
والطويلة والقصيرة  
والتخينة والرفيعة  
وأم العيون سارحة ودوبللي  
واللي كعبو محني وفللي  
والقوام اللي يتمايل  
علي عود ريحان اخضر مستوي  
والصوت الناعم الرايق

عصفور كناري يصوص  
 ترالي والشفاف اللوز  
 والحدود الجوز  
 والجبين عالي  
 وفي العسل مغروس  
 والدراعات اللي زي النايون  
 والصوابع اللي معجونة  
 بالبسبوس  
 ولما تلمسك  
 كأنك وخذ جلكوز  
 وتديك نشاط وحيوية  
 وتخلي عقلك مهووس  
 والله شكلك بقيق راجل ملحوس  
 عشان تضيع وقتك وصحتك

وحياتك وكمال الفلوس

علي حاجة بتزودك سيئات

وذنوب

وهتخليك في حياتك متعوس

والآخر بتقول هو انا عملت حاجة

أنا بتكلم بس

يا راجل اعقل شوية وحس

خليت ايه للشباب الصغير بس

دا انت اللي زيك قاعد

ليل

نهار يصلي عشان ربنا يرضي عنه بس

قوم معايا نصلي

وتقعد تتعبد لربك بس

واخرتها تقولي اخر حاجة

قبل ما نصلي

بس بص بس

شوف القوام اللي زي لهطة القشطة

ده بزمتك مش يخلي الواحد بية يحس

والله انت راجل هزق

ولا عمرك في يوم هتحس

\*\*\*

توووووووووووت

توووووووووت. تووووووووووت

دي مش نكتة

ولا وشوشة في الودان

بنقولها بصوت

توووووووووووت

دة القطر اللي بيلف في البلدان

بينادي ع الموت

توووووووووووت

يلا اركبو بسرعة يا

قبل ما القطر يفوت

توووووووووووت

القطر ده لمحطة واحدة  
 ونهايتها المووووت  
 تووووووووت  
 مين قاطع تذكرة  
 او حتي ملحقش تذكرة  
 ينتظرني علي رصيف الموت  
 تووووووووت  
 مين عاوز بيع سميطة  
 وجبنة وحاجه ساقعة وسندوتشات  
 و بسكوووت  
 تووووووووت  
 مين كمان عاوز بيع كتب  
 ومجلات وبوك نووت  
 تووووووووت

واللي عاوز يعرض حالاته

المرضية

ومعاه تقارير طبية

يعالج بيها حالته

قبل الموت

توووووووووت

واللي طالع علي رزقة

واللي راجع من شغلة

و اللي يتعالج من مرضة

واللي ربنا رزقة

واللي راكب

في الملكوووووت

توووووووووت

والكبار والصغار

والرجال والحريم

والاطفال

اللي في حضن الامهات

واللي مطرود من ضناه

ومش لاقى حد يرعاه

متخافوش كلة هيلاقى مكان

وقبل الوصول هيموووت

توووووووت

وهو واحد بس اللي يتحاسب

علي كل طالبت الموت

عامل التحويلة اصله راحت

عليه نومة في عز الضهر

ومحطش الكبسوله

قبل ما القطر يفوووت



تووووووووت توووووووووت

وفي كمان مفاجأة حلوة

بعد الموت

تووووووووت

كل واحد فيكو هيموت

اهلة هياخدو كام سحتووووت

يعوضهم عن جرحهم

في قلوبهم بعد الموت

ولا عمر مال الدنيا يعوضنا

عن عزيز وغالي حتي الموت

تووووووووت

لامتي هيفضل فيكي يا بلاد

كل ده الجبروووووت

توووووووت تووووووووت

لا لا مش تووووووووت

مووووووت مووووووت

جبروووووت

.....

## زهق

عارف هتقولوا دلوقتي

هي مش ناقصة زهق

سيينا في حالنا

واللي احنا فيه

بس اسمعوني

هقولكوا ايه

واعرف بس ياتري

زهقان من ايه

ما بقتش عارف اعمل ايه

بقيت زهقان من حالي

واللي انا فيه

يا تري دة بقي حالي وحدي

ولا ناس كثير بتعاني بيه

حاسس انى وضع طبيعى

واتعودت عليه

مع أن أول مرة ف حياتي

احس بيه

زهق

معقول تكون مش طابق نفسك

وحياتك والعالم واللى عليه

معقول تكون عشت

عمرك لغيرك

واللى حواليك ما بيحسش

باللي انت فيه  
 ياتري ده يكون سببه ايه  
 سببه  
 انك مفكرتش تتعلم  
 اللي انت كنت فيه  
 انك سبت نفسك لغيرك  
 وهو ده اللي اتعودا عليه  
 ومفكرتش كمان تعيش لنفسك  
 وتعمل اللي نفسك فيه  
 حتي السنين سرقتك  
 خدت منك عمرك  
 كنت ناوي عليه  
 أسأل نفسك من يوم ما كنت بتقول  
 أنا ناوي اطلع ايه

ياتري عملتوا اللي كان نفسكوا

فيه

اكيد هتقولوا احنا

عملنا اللي قدرنا عليه

حجات كتير حوالينا بتبعدنا

عن حياتنا وعمرنا

واللي احنا كنا ناوين عليه

وهو ده اللي بيوصلكوا

للي احنا دلوقت فيه

زهق..

عرفت سببه ايه

سببه انك بعدت عن ربك

والتمسك بيه

سببه انك ما بتقولش لاء

للى يتعبك  
 وفضلت متمسك بيه  
 سببه أنك عايش من غير هدف  
 ومش عارف تحقق  
 اللي نفسك فيه  
 واياك تقول إن عمرك انتهى  
 وانا هتعب نفسي ليه  
 ابدأ حياتك  
 في اي عمر انت فيه  
 لحد اخر دقيقه في عمرك وتحقق  
 جزء بسيط  
 م اللي كان نفسك فيه  
 علي الاقل تقابل ربك  
 وتسبب ذكرى حلوة والناس تحكي عليه

اظن دلوقت عرفت سبيه ايه

الزهق

قرب لربك وابعد ع اللي تعبك

وأبدأ حياتك

تسعد حياتك وتحقق اللي نويت عليه

اظن دلوقت مبقاش عندك زهق

ولا ايه

\*\*\*



## وجع

معقول

كل ده وجع

طب

كنت قول يا جدع

فضلت ساكت ليه

لما القلب اتوجع

ساکت عشان غيرك

ما يحسش

بنفس الوجع

ولا ساكت ومش مهتم

وتقول شوية

دلع

أديك وقعت يا جدد

وشوف بعينك حواليك

الكل مهتمش

غير بيك

واولهم القلب

اللي بيحس الوجع

اهو مادد ايده ليك

ومش سايبك

وبيراعيك

وبيمسح بايده

حتي دمع عنيك

هو انت ايه

يا جدع  
 عاوز اكثر من كده  
 ايه دلع  
 والدنيا ايه يا جدع  
 غير ايد بتشد ايد  
 والقلب اللي موجوع  
 بيحس بالقلب اللي  
 أتوجع  
 وأزاي  
 لما كنت اسالك  
 وانت بتضحك  
 وتقول مفيش  
 كنت بتضحك عليا  
 بتضحك ع الوجع

اديك ضحكت عليا بس  
ما قدرتش تضحك ع الوجع  
الدنيا مش مستاهلة  
عناد ولا دمع وتعب  
الدنيا عاوزة اللي يسايرها  
لغاية ما رب العباد  
يأذن ويشيل الوجع  
معقول  
يبقي كل دة وجع

\*\*\*

## الجهادية

من كتر حبها فيا  
 وغيرتها عليا  
 بقيت عايش حياتي  
 كأني في الجهاديه  
 بتبص فين  
 خلي عينك هنا عليا  
 ما تكلش اي حاجة من الشوارع  
 من علي العربية  
 ما تتأخرش كثير  
 ما تغيبش عن عنيا  
 وعلاجك انا ادهولك باديا

والاكل بميعاد والنوم بميعاد

فكرتني بالوصول مجاهد

وهو بيكد رنا ساعة الصبحية

وكل ده كتير قوي

عليا

وأنا والله مفيش غيرها

جوه قلبي

وعنيا

عيشتتي

في سعادة وهنا

وخلت

عاشتنا هنية

ربنا ما يحرمني منك

يا احلي واغلي  
 من نور عنيا  
 لو هتبقى بالهيئة ديا  
 يبغي محلاها عيشة  
 الجهاديه

\*\*\*

الختام ( كلمة من ناقد )

من جرب الكى لا ينسى مواجهه  
ومن رأى السم لا يشقى كمن شربا  
قرأت ديوان الشاعر الأحمدى شحاتة  
بعنوان / وجع

ورأيت فيه إحساسا قلما يتوافر لشعراء العامية  
وجدت فيه رنة ونبرة وطعما  
غير تلك الطعوم التى تتذوقها جمع فيه بين رقة  
الوجدان

مع روعة التصوير مع القدرة على الإيحاء  
جاءت الصورة فى غير قليل من المواضع  
كثيفة متداخلة وجاءت الألفاظ حافلة بالمعانى  
الصادقة

تشعر فيها مرارة الوجدع وقسوة الفراق  
كما قال الشاعر /



مر على بأن أودع زائرا كيف الذين حملتهم في  
أضلعى

الناقد المصري الدكتور / أحمد  
عبد الحكم



## فهرس الكتاب

م	عنوان القصيدة	رقم الصفحة
١	مشكلتى	٧
٢	مافيض احساس	٩
٣	او عاك يا قلبى	١١
٤	حبيبتى	١٣
٥	أعشق الليل	١٧
٦	إثنى الكتاب	٢٢
٧	أخويا	٢٥
٨	وصيتى	٣٠
٩	بالقلوس	٣٧
١٠	حبيبى يا نبى	٤٠
١١	العشرة	٤٥
١٢	عارضة أنتى ايه	٥١
١٣	جيت على بالك	٥٥
١٤	كل يوم بسهر	٥٩
١٥	فبنك	٦٢
١٦	وحشتى	٦٥
١٧	بنت الأصول	٧٢
١٨	مال القلس	٧٦
١٩	لمسه نيك نفس	٨١
٢٠	توت	٨٥
٢١	ز هق	٩١
٢٢	وجع	٩٧
٢٣	الجهادية	١٠١